


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՁԵՐԲԱԿԱԼՎԱԾ ԱՆՁԱՆՑ ՊԱՇՏԵՆՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՍԱՐԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1427

04.07.2014թվ.

ՀՀ Ոստիկանության պետ,  
գեներալ-լեյտենանտ  
պարոն՝ Վ. Գասպարյանին

Հարգելի պարոն Գասպարյան,




22.11.2013թ-ին թիվ 2621/1387 գրությամբ Դիտորդական խումբը առաջարկել էր, որպեսզի ՀՀ ոստիկանության Արմավիրի ՄՎ Արմավիրի և Վաղարշապատի ՁՊՎ-ներում համալրվի օրվա հերթապահ ոստիկանների հաստիքը՝ դարձնելով օրական երկու հոգի գերծանրաբեռնված աշխատանքի պատճառով:

20.12.2013թ-ի թիվ 2/2-1-3626 գրությամբ տրվել էր մեկնաբանություն, որ ՀՀ ոստիկանության Արմավիրի ՄՎ Արմավիրի և Վաղարշապատի ՁՊՎ-ներում հերթապահ ոստիկանների երկուական հաստիքները ավելացնելու հարցը կքննարկվի ՀՀ Ոստիկանությունում:

Մինչ օրս նշված հարցի վերաբերյալ չի տրվել մեկնաբանություն, և տվյալ մարզի ՁՊՎ-ները իրենց գործունեությունը ծավալում են նույն՝ մեկական հաստիքներով:

Միաժամանակ հարկ ենք համարում տեղեկացնել, որ Դիտորդական խումբը սույն թվականի հունիս ամսին այցելություն կատարելով ՀՀ ոստիկանության Լոռու ՄՎ Տարոնի բաժնի ՁՊՎ արձանագրել է, որ սույն թվականի հունվարի 1-ից կրճատվել է տվյալ ՁՊՎ-ի օրական հերթապահություն իրականացնող երկու ոստիկաններից մեկի հաստիքը, արդյունքում՝ նախկին 8 հոգով հերթապահություն իրականացնող հաստիքները կրճատվել են մինչև 4 հոգի, այն դեպքում, երբ տվյալ Տարոնի ՁՊՎ-ն սպասարկում է միաժամանակ 3 բաժիններ՝ Տարոնի, Բագումի և Գուգարքի:




Արդյունքում, Դիտորդական խմբի առաջարկը ոչ միայն չընդունվեց, այլ ավելի վատ  
մոտրադարձ ունեցավ, տվյալ դեպքում, Տարոնի բաժնի ՁՊՎ-ի վրա, որովհետև ներկայիս  
անբարեկամ ՁՊՎ-ում 24 ժամ հերթապահություն է իրականացնում մեկ ոստիկան:

Ի հավելում, տեղեկացնենք, որ ՀՀ մարզային ՁՊՎ-ներից՝ ՀՀ ոստիկանության Շիրակի ՄՎ  
Լիտուրյանի ՁՊՎ-ում օրական երկու ոստիկան են հերթապահություն իրականացնում:

Այսպիսով՝ խնդրում ենք տալ մեկնաբանություն ներկայացվածի վերաբերյալ:

Հարգանքներով՝

ՀՀ ոստիկանության համակարգի ձեռքակալված  
անձանց պահելու վայրերում վերահսկողություն  
իրականացնող հասարակական Դիտորդական  
խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երեւան, Նալբանդյան 130 հեռ. 59-65-94

N 2/2-1-\_\_\_\_\_

<< \_\_\_ >> \_\_\_\_\_ 2014թ.

Ձեր 04.07.2014թ. թիվ 2621/1427 գր.

2/2-1-1568

21.07.14թ

**«Ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ Հասմիկ Սահակյանին**

**Հարգելի տիկին Սահակյան**

Հայտնվում է, որ Ձեր 22.11.2013թ. թիվ 2621/1387 գրությամբ ոստիկանության Արմավիրի մարզային վարչության Արմավիրի և Վաղարշապատի բաժինների ՁՊՎ-ների հերթապահ ոստիկանների հաստիքները կրկնապատկելու վերաբերյալ արված առաջարկին «Ոստիկանությունը 20.12.2013թ. թիվ 2/2-1-3626 գրությամբ պատասխանել է, որ նշված հարցը կքնարկվի «Ոստիկանությունում, սակայն առաջարկությունների վերաբերյալ դիտորդների խմբին լրացուցիչ մեկնաբանություններ տալը «Ոստիկանության պետի 2005թ. հունվարի 14-ի թիվ 1-Ն հրամանով հաստատված «Հայաստանի Հանրապետության ոստիկանության համակարգի ձերբակալված անձանց պահելու վայրերում հասարակական դիտորդների խմբի գործունեության կարգ»-ով նախատեսված չէ:

Այնուամենայնիվ տեղեկացվում է, որ «Ոստիկանությունում քննարկվել է ոստիկանության Երևան քաղաքի ու մարզային վարչությունների ՁՊՎ-ների գործունեության վերաբերյալ ներկայացված 2012թ. և 2013թ. հաշվետվությունները և ելնելով միջին ծանրաբեռնվածությունից՝ ՁՊՎ-ներում պահվող անձանց քանակից, «Ոստիկանության պետի 16.01.2014թ. թիվ 106-Ա հրամանով ոստիկանության Արմավիրի ու Վաղարշապատի բաժինների հաստիքները ավելացվել են ևս չորսով, իսկ Տարոնի բաժնի ՁՊՎ-ի հերթապահ ոստիկանների հաստիքները կրճատվել են չորսով, քանի որ ՁՊՎ-ում պահվող անձանց ծանրաբեռնվածությունը ցածր է միջին տարեկան ծանրաբեռնվածությունից, իսկ Ախուրյանի բաժնի ՁՊՎ-ում պահվող անձանց ծանրաբեռնվածությունը՝ բարձր է:

Հարկ է նշել, որ հաստիքների ավելացումը և կրճատումը կատարվել է, ոչ թե տարածքային ստորաբաժանումների ՁՊՎ-ների կողմից սպասարկվող բաժինների

-2-

քանակից, այլ ոստիկանության ենթակա ստորաբաժանումների ՁՊՎ-ներում պահվող անձանց քանակի տարեկան միջին ծանրաբեռնվածությունից:

Կատարված ուսումնասիրությունների արդյունքում պարզվել է, որ դիտորդների խումբը 2014թ. ընթացքում ոչ մի այցելություն չի կատարել ոստիկանության Արմավիրի ու Վաղարշապատի բաժինների ՁՊՎ-ներ: Արդյունքում դիտորդների խումբը խախտելով ՀՀ ոստիկանության պետի 2005թ. հունվարի 14-ի թիվ 1-Ն հրամանի 14-րդ և խմբի գործունեության էթիկայի կանոնների 4.8 կետերի պահանջները՝ այցելություններ չկատարելով վերը նշված բաժինների ՁՊՎ-ներ մեկնաբանություններ է պահանջում ՀՀ ոստիկանությունից: Այնինչ, ոստիկանության Արմավիրի բաժնի ՁՊՎ-ում 29.04.2014թ-ից և ոստիկանության Վաղարշապատի բաժնի ՁՊՎ-ում 29.05.2014թ-ից հերթապահությունը իրականացվում է երկուական ոստիկանների կողմից:

Բացի այդ, ՁՊՎ-ներում հերթապահությունը իրականացվում է ոստիկանության ստորաբաժանումների ղեկավարության կողմից նախօրոք հաստատված գրաֆիկի համաձայն և այդ հարցը դուրս է դիտորդների խմբի իրավասության սահմաններից:

**ՀՀ ոստիկանության շտաբ**